

改

亭

存

稿

改亭續稿卷之四

崑山方鳳著

玄孫士驤上服父重較輯

雜著

宋時趙元昊子尚有國我

太祖得天下其主來歸謂

太祖賜進士出身累官至太常卿意欲羈縻之一日
其國人脩一書來云太母老而多病萬一不起無主
喪者其人哀泣奏

太祖許其歸寧遣使送之至函谷關外有人馬數萬
迎謁歡呼而去乃知其主思歸陰使人作書速之雖
太祖之明亦爲其所紿也至今國於賀蘭山西北千

里夫小人之澤五世而斬元昊自宋歷元及我

朝四百餘年而國尚存其勝於宋多矣豈遐荒絕地
所不爭故得苟延如此不然則宋祖之德澤及不
如元昊乎此不可曉也

江陵有伍員祠求記于唐之大臣皆曰江陵楚地也
員仇於楚佐吳以興吳人祠之則可楚人不宜祠仇
吾聞申包胥爲楚乞師於秦立哭七日七夜卒能感
秦王興師救楚是包胥有功于楚者也宜祠審美於
是江陵之人改其祠扁曰申胥愚謂范蠡佐越滅吳
猶子胥之於楚也而吳人反祠于三高則亦不免於
祠仇矣吳之君子宜據伍員例去之

讀皮日休鹿門隱書六十篇其間儘有出人之見但
謂聖人爲天非可脩而至以孟子予何人舜何人之
言爲非是則惟狂克念作聖之言古人豈欺我哉顏
子亞聖非由學而至歟又謂伊尹一介不與人不取
人爲非是其所處近乎執苟與之以道取之以道雖
天下可也以伊尹爲執則恐天下之守廉介者藉此
而易其操矣又曰聖人行道而守法賢人行法而守
道夫道與法非二事也謂之行道守道則法在其中
矣何乃分而二之朱子曰道兼法則而言孟子遵先
王之法又曰君子行法以俟命豈外道而言歟吁是
以知立言之難

昔羊叔子見王演曰誤天下蒼生者必此人也郭汾陽見盧杞曰此人得志吾子孫無遺類矣二公有先見之知如此王安石在當時文章節行爲世推重人以其爲他日得志必能爲國家建鼎鉉之勲獨蘇老泉以其不近人情作辨奸論以譏之且曰他日吾獲知言之名而天下被其禍有識者見事於未形其老泉之謂乎後與司馬公同朝行青苗顧後等法司馬公作書詆其非讀之使人心爽快可與胡銓書並稱之

蘇子謂六國時若句踐無忌田文趙勝黃歇之流皆能養士而智勇力辯之人皆收於囊中其所遺者皆

機管無能爲之輩雖欲叛亂莫爲之先所以得久有
其國至秦始皇逐客豪傑皆散於四方遂肆其智力
一舉而能亡秦愚以爲不然秦雖逐客以李斯諫而
止卒與爭天下者非堅白異同之流擊劒雞狗之徒
始於張陳繼以劉項固未嘗爲秦客也顧當推其本
原始皇以虎狼之資肆行殺伐而以趙高李斯啗鞅
佐之而二世又以殘虐繼之其爲國命脉先已斬絕
欲求其久有天下得乎此固非逐客之罪也

蘇子由三國論謂劉備之才近似高祖而不知所以
用之之術且謂高祖以不智不勇而困項氏之智勇
其道有三一曰據形勝之地二曰收出奇之將三曰

有剛銳之氣而不自用以爲皆非劉脩所能也愚謂高祖都漢中與脩同地用孔明關張與三傑同才脩自將以取敗而高祖亦自將以被圍其困敗亦畧相當但高祖遇項羽勇而無謀而良平謀內韓彭謀外始終又賴其力脩則過操權智勇兼到是二羽也關張不久被害孔明將畧持重範我馳驅無韓彭詭遇之術其時其勢比之高祖有甚難者所以成敗之跡如此若曰自用其智勇卒以取困則操之自用亦甚矣何以成功

讀司馬光讀史論揚之學爲大儒孟子荀子殆不足擬而以

揚雄之言爲不知揚子者夫揚子

作太玄以擬易易之道於天人之蘊至矣脩矣揚子
欲自引而高乃作玄以擬之是猶以丹青繪天得易
之糟粕耳蓋玄之義淺而易見易之理深而難知故
光獨稱玄而不知易有以包乎玄矣是猶過及肩之
墻而見宗廟之美百官之富者也

嘗讀褚淵馮道傳淵屢屢賣國自以爲得計至其子
亦卑之不欲襲其爵道則歷事五季恆不知耻自號
長樂老及讀宋吳思齊謝翱傳翱見文天祥被執以
死號哭失聲登子陵釣臺設天祥主再拜作歌招之
思齊棄官歸隱作佚命錄賦詩別諸友與翱及方鳳
遊浦陽仙華山酒酣談時事氣鬱鬱不得伸北望慟

哭而後反嗚呼性一也在馮楮則如此在翺輩則如
彼何哉雖然以楊雄之賢而有美新之喻則馮楮又
不足言矣

松之司獄一官一吏官吳姓吏李姓二人性氣甚相
得一日有劇盜破械而逸官吏皆得重罪官曰某主
之非吏也吏曰某得財故縱官初不知爭之甚力雖
捶撻酷加不易一辭上官不能決兩罪之吳先遣其
家歸盡以衣飾供費李弼旧屋亦殆盡其在獄事吳
如平日越六年部使者慮其義奏釋之吳貧不能歸
而李妻子俱喪乃相誓為偕同處一小庵大家憐其
誠施與頗多積千金下囊餽以事渡潞山湖趁漁船

見船尾蛟生魚二僧買而放之湖忽露囊漁人見而
心動因停舟將害二僧忽一舟從南來有二魚躍其
舟傍不去舟人疑之僧因大呼遂擒漁父于官死于
獄

賊檜誤國當時士大夫無不切齒而高宗任之不疑
於是左司郎中范璿欲與吳銓相約論奏胡先發之
胡之貶璿又瞋立行時胡褻尚未仕欲誅檜而未能
乃於堂階手植六檜揭其扁曰六檜堂蓋以六戮同
音以示檜之當顯戮也後褻一出即爲權奸所疾僅
至通判而止吁惜哉

朱文公提舉浙東常平因以文移郡除去秦檜祠祠

中具述鎮江守王循友乞加檜九錫爲圖以獻張扶
請檜兼金根車呂願中作秦城王氣詩其勢必如曹
操而後已操祠後亦除去與檜事正相類可見天理
之在人未嘗泯滅至我朝吳訥官浙江於仁和縣
學得觀石刻乃高宗製孔子及七十二賢贊其像則
李龍眠所畫也其後刻秦檜記文大抵皆斥當時主
恢復者以爲悖孔子之道訥即磨去其文亦足以繼
朱子之意矣

古語云大潔者必有大污今之以道學自居者其自
視甚高若顏淵子奇不足爲者夷考其行則亂人倫
滅天理循牙僧之術設陷穽之機比之庸人反不逮

焉是巧於取名而不知人之觀其肺肝也昔蔡人有
列宗子泓者性好潔點污不及其膚見之即噉且吐
而獨喜足統以爲椒蘭之馨也獨何心哉

君之權下移於臣則致操莽之禍天下知有權臣而
不知有天子太阿倒持未有不割者也惟夫之於妻
也亦然夫之於妻每蔽於愛而昧於理掩於恩而忽
於義衽席之言聽之如飴久而陰必抗陽而視其夫
蔑如也家人見其握權可以禍可以福也而趨之視
其主蔑如也故君子之處內以剛爲主易曰家人嗃
嗃悔厲吉其示人之意嚴矣昔齊王以大臣專權爲
閭陳軫對曰淄水有兩叢祠其尊者不能禍福人無

一人饗之其卑者禍福人甚應人持酒脯者袂相接
是尊者擁虛位而卑者握重權也齊王嘆曰此非一
日之積也過在寡人

种放爲諫議大夫賜假遊嵩山真宗餞之於資政殿
侍席者晁迥王欽若朱巽戚綸皆列坐獨放北面對
上其尊禮之可謂至矣酒半上作詩送之而四臣皆
和榮亦至矣放奉母歸山母好道家術放遂不娶以
爲遺棄人間富貴及張齊賢薦之拜右司諫四遷至
工部侍郎夫天下有二道出與處也放以山人要君
而高爵厚祿未嘗不受於出處之道乖戾甚矣

字學之有求師請學之有子美體兼衆妙所謂

大成者也他如歐陽率更之勁竒拔群楮河南之清遠蕭散張長史之草聖顏魯公之雄秀姚少師之新竒猶韓柳韋白各得一家者也

元時陳佑上三本書一曰天子國本建立之計宜早二曰中書政本責成之任宜專三曰人才治本選舉之方宜審許約陳五事一曰開經筵二曰立諫官三曰祀勲臣四曰定配享五曰舉遺逸馬祖當上十五事多朝儀官闡之制惟制禮樂而緩刑法重三公而去襍流慎選守令以安民嚴立侍衛以防變末言重農桑以敦本此五事爲切要然比之二子所陳則其輕重緩急又自不同當時宰臣以舉遺逸疑其有所

爲重三公疑其有所趨故其說不甚行惜哉

國初葉居升上萬言書言過事有三一曰分封太侈

二曰用刑太繁三曰求治太速學士周叙在正統間

疏八事一曰勵剛明二曰親經史三曰脩軍政四曰

選賢才五曰安民心六曰廣言路七曰謹微漸八曰

脩庶政給事中程信土木之變守外城進言五事一

曰新號令以振軍威二曰養勇敢以脩器械三曰召

勤王以遏南侵四曰設武備以防內變五曰養銳氣

以脩戰守又陳固本十事一曰敬天二曰求賢三曰

納諫四曰謹灾五曰節用六曰詳刑七曰選將八曰

練兵九曰尚儉十曰隆師侍講劉定之亦進十策一

二曰守禦三曰通使四曰降胡五曰練兵六
曰撫民七曰選將八曰賞罰九曰議政十曰德學議
者謂諸公以安民用賢二事在軍政之後撫民德學
二事居戰陳之末則先後不倫矣意者時當變故戰
守爲重故先其所急耶不然則以諸公之高識未必
不知此也

讀西涯集其作劉志傳云志不信老佛嘗勸某公毀
佛像年未五十得奇瘍以死人以爲毀佛之報近日
魏莊渠提學廣東碎六祖鉢及火袈裟後歸子孫相
繼死莊渠亦得耳瘡告卒不知者以劉志事擬之愚
俗之見不可解如此

鄭雙松先生以帶下醫傳世信義足以服人日坐藥肆中市物及其門請先生命懸於壁不敢少銖兩而先生與之錢其人亦不擇而收之其相信如此後其孫育字螽孫酷肖其祖終日閉門不與人接足不踰戶閫動以累月計人謂有雙松之風

顧恂字惟誠未齋父也爲人清謹不苟贅吳主政襄虞爲婿與許姓者同貿易相信如一人凡出入彼此推赤心市人以爲難一日襄虞從容謂之曰汝與許氏子同事亦當留心公應之曰我若留心彼亦留心事遂解矣襄虞公悔失言宜其有子孫之昌也

愚兄弟謝政歸議立義舉一曰鄉社祀五土五穀之

梓春秋二仲舉行前一日約與祭者次日早集設二
卓祭品中設牲醴香案迎神再拜三獻畢合鄉人皆
跪讀鄉約然後讀祝送神再拜享餘其里有孝子
節婦高年及貧不能婚葬者量給以米一曰里賢予
里多仕宦及壽官於集慶院立祠設主約其子孫亦
春秋二祭祭畢享餘於祠一曰桃祭伯兄以祭止四
代始祖先祖久而或忘故凡桃主皆存於先親行祠
每過冬至立春合族之人祭之其禮與里賢相同已
上皆有祝文見別卷一曰義田先禮部雖不置義田
而其周給宗族不使饑寒其訓惓惓若猶在耳予量
給以田伯兄定春秋二季給米布後兒子築及世儒

又給以田元儒給米布故各族人不至甚貧亦先親之賜也一日義學每年予兄弟請一師訓里中童蒙如此者二十餘年不變近年溫飽之家各自延師而小家輒附從之事遂寢已上凡五事其詳具於義舉錄子孫當世守之勿替可也

予嘗施恩於人不惟不報而反以無禮加焉其列於衣冠者不敢言其次有一二親友憐其貧與之資使之貿易取息甚廉每歲底稽其數則具虛數以對予信而不疑迨四五年方知其浪用空橐也使人與之言則其人悻悻色厲而言迅然所負動以千計予欲施之官則念親情未忍彼故買低瘠田倍蓰其直不

當十之三子隱忍受之更詰其餘則曰奪我產我將
與詞人予不平而予一咲客之因讀燕書見齊

人西王湏爲夢

夢至入猩猩穴中資其養得

生後一年有賈船泊穴猩猩引西王湏登舟舟人
義猩猩而西王湏反欲捕而刺其血舟人惡其忘恩
也投于江事頗相類併書之

孫瓊字蘊章任秋官郎中時提學御史司馬君甚重
公公第四子某欲遊泮官司馬君訪公坐談久之且
問公子弟欲入學者幾人公始終不言其後繼之者
有虞公竹西任四川少叅乞致仕蜀府贈以扇千
柄公峻卻之

朝廷賜其祖兵侍公葬祭銀千兩公止費百金餘皆還官以貧終身人每以二公並稱之

嘗讀李西涯傳里中故老雖小善不遺亦君子與人爲善之盛心也予里有浦海者其母年八十每赴席必懷果核以遺母母病湯藥必躬視之言輒流涕有胡杲者事母至孝每夏則持扇與母祛蚊冬則溫母被雖甚貧不弛色養二人未嘗知書而性孝如此人性之善可不徵諸

予曰不忤不求何用不臧蓋人之忤心與貪心無異人凡人見人言某人病甚則有欲其不起之心見言某官爲事則有欲其落職之心見人言某官起

用則有欲其不用之心非但大事爲然雖小小禍福皆欲其禍而不欲其福不但與仇隙小嫌者爲然雖與之無怨無德者亦無不然此其故不可知看來只是忮心勝不欲人勝於我故也孟子曰人能充無欲害人之心而仁不可勝用矣

或問脩養之方曰莫如節欲醫書曰外實不如內實以藥食肥甘補外而內欲不節無益於身不如一意寡欲而以節食少勞省氣少言助之則內養之方無出此矣若專事伸經吐納又最下採陰之說不但無益而且有損

或問息爭以何道曰近見兩人爭一事其一人先訴

今言已是其一人後訴全說彼非子徐審之兩人各有是非今但見已之是而不見已之非所以爭鬪不息甚至於父母之恩亦見其不是處况他人乎此自訟者之所以難也

吳淞賦

壽時臯廬堂八十

繫吳淞之浩渺兮著禹貢爲三江東馳滄溟之迅速
兮西溷震澤之汪洋倏魚龍之出沒兮漾日月之晶
光滋三農之粒食兮紛賈客之帆檣肆江神之效靈
兮錫遐嘏於一方惟予南瀆之鍾秀兮所得於茲江
者不少譬彼孟壺以取水兮分量各隨乎大小或得
江之清氣兮則簪纓相繼於諸老或得江之厚氣兮

則華屋相連於溫飽或得江之醇氣兮則耄耄相承
於壽考若今孺人之路上壽兮皆一氣之相保羗矧
驟而益壯兮降誕值乎小春嘉令子之純孝兮樂色
養之欣欣喜蘭孫之羅膝兮秀穎列乎儒紳開北海
之清樽兮來東山之故人網江魚之入饌兮採江花
以樂賓逐板興於花前兮增笑語之精神茲非一時
之偶兮寔江神之幽庇占孺人之難老兮見曾玄之
萊戲慚予亦年踰乎古稀兮慕遐齡而心企引兕觥
以鯨吸兮醉太平之滋味願壽域之宏開兮葆亭毒
之元氣上吾人黃耆之繩繩兮與長江同衍於無替
漢明帝問張重曰汝家日南應向北看日重曰

鴈門不見累鴈爲門金城不見積金爲郡

日南本郡名看日難回北金城與鴈門其辨頗明白
人君無戲言多言不如默

郭璞嘗爲王導作卦曰公有雷厄可往西北截
栢樹一枝如公身長至寢處可消數日雷擊碎
栢

郭生有奇術栢死王導存雷神果有意何不擊王敦
伯仁死非命導死不足論

姜詩妻孝姑姑好江水妻出汲值風雪歸遲詩
逐之往鄰家紡績市珍味遺姑忽有泉涌出味
如江水

風雪汲水運送出還資給嗟嗟姜生者何不身自汲
試觀負米心誠孝不可及

子貢見抱甕灌畦曰桔槔日浸百畦不愈於抱
甕乎其人曰有機事必有機心道之所不載也
抱甕本勞苦桔槔誠便易機心從此生凡事放於利
所以古人言守拙強用智

詩

送趙蒙泉大巡

行行驄馬客詞苑舊名家肅政今包拯清才古孟嘉
天寒人對酒歲暮雪飛花海內誰知己思君兩鬢華
送王肅齋大參

得平字

自古通才少如公實稱名臺端專執法民牧得司平
海上風烟息江南雨露并無人能借寇西望獨馳情
送翁僉憲之任

學足青錢選才高白璧光較文甄大器抗疏擊權璫
善政歌三邑歸心夢一航賢勞方簡在萬里發康
莊

送漢文再赴興業

送子還之任文旌萬里程高懷自山水壯志合功名
北鴈連天遠南雲隔隴平小齋添寂聞對酒若爲情
送意翁溪和韻

踪跡浮雲世未閒別處遊青山孤鶴夢白髮一孤裘

擁被吳門夜推蓬
楚國秋人情諳欲盡短刺向誰投
鶴亭

何地着胎仙
幽亭野性便舞偏
宜竹月飛或避茶烟
樽俎坡翁夢
琴書白傅船
悠然吾意適相對伴長年

伴松

老榦龍鱗細相依
不計年醉憑新月
下閭撫晚風前
亂掛雲無意
幽棲鶴有緣
何時乘午蔭
携榻共高眠
壽閣庵

高僧長入定
老去尚焚脩
學道今文暢
談禪古貫休
戒嚴雲壁峭
心靜月潭幽
自得延年術
何須物外求
壽裏齋秋卿五十

百歲纔踰半張懸春日輝有官惟俟命無過豈知非
鼎熟青烟細盃浮綠蟻肥年年爲此會高唱鶴南飛

壽秦復齋七十

多君重交誼七十共年華宦况輕元亮詩窮過孟嘉
清樽賓雜沓矮屋樹交加我識乘除理緣知壽域賒

北川爲潘子陽賦

北望潘安宅川流匝屋寬宣尼興浩歎莊叟快奇觀
星斗浮光近虹霓吐氣寒春雷化桃浪回首笑泥蟠

挽葛大叅木

德人傾世早芳譽漫空存清白承家訓賢勞報國
恩撫松悲幻跡攀栢見啼痕千里緘哀什慙慙慰後

昆

除夜懷二子會試

除夜懷人遠悠然惜雨雜琴書遊上國風雨計中途
野艇冲寒泊村醪入夜沽鄰家能卒歲檣櫓共圍爐
耽隱

習懶辭官早知衰教子忙殘盃迎睡興素簾寄詩狂
卧竹便低榻看山慣野航年來量筋力只合事深藏
晚曝

煦煦傾西日悠悠垂老人相依真可愛獨坐欲生春
背暖疑添絮顏酡似飲醇無由獻明主僅足養閒身

雪

西風吹玉屑一夜混山河凍雀投林少埋隄入地多
詩成肩並聳字澁手頻呵獨有新篴客冲寒爲解和
送陟臺先生北上

試擬君侯政公平若秉衡端嚴山獨立節操水同清
赤子沾慈惠青年訝老成雲霄千萬里今日是初程
候鶴村二槐裏齋蘇行

三友侵晨發孤舟午停心同時訂約道會又忘形
禾黍千村綠菱蒲兩岸青今宵成勝會詩夢醉難醒
琴泉

無絃
是月本自留情抱去依松古看來浸月清

信牙心寄莊叟眼偏明我欲携新譜從君一品評
康譜分上中下三品琴譜尤多

壽錢春林

醫師多壽考種德本吾心香滿杏花屋雲連椿樹林
爐分青篆細杯泛紫霞深我忝通家後慙勤賦短吟
久熱

暑氣何濡滯相將四月餘倦眠時握扇愁坐每拋書
夜蝠晴偏出秋蚊晝亦祛廣寒無路到空自八窓虛
對塑像

誰肖先生像依稀一故吾無言君自默有氣我能呼
對面分生死從心認有無到頭終化土徒爾費工夫

送朱仰山北上次山齋韻

送客婁江澣垂楊拂曙烟登樓雲外驛載酒雨中船
赤縣三年望丹心一寸縣天衢方發軔簪紱本家傳

宴徐子仁古樹軒

五世存交誼多君實象賢逃名真市隱立行本家傳
喬木供清玩幽軒愜醉眠休論百年事對酒且忻然
夜醉

挑燈寒夜酌宛爾學村庄坑火客安坐靈漿許細嘗
紫螯供野味黃菊剩餘香布被蒙頭睡悠然入醉鄉

望華川志

我挹芳華志
志士才賢勞不能辭督賦遊金臺

送君至望亭望君還復來好酒爲君酌好懷爲君開
仙舟起便風恍惚歸蓬萊相從恨無策水次空徘徊

思竹爲張塾師賦

竹亭古君子登科任民牧清操逼人寒幽亭數竿竹
生子幼而孤思竹親在目孜孜讀父書蜚聲振鄉塾
蠶蠶長龍孫雨露定沾沐繩武喜有人一笑歌淇澳

養拙爲王君賦

人言乞巧難我道養拙好巧多反成灾拙久名可保
養拙樂坦夷養拙無煩惱拙可怡性情拙可增壽考
不屑較錙銖不欲分白皂譬彼璞玉完外鈍中杲杲
我愛養拙翁謀生何草草讀書謝紛華惟以拙爲寶

我性與翁同但愿同翁老

壽徐淺庵同年兼邀入杜

清時重同年遭逢良不易予與徐淺翁兄復篤交誼
慙予齒差長七十翁亦企有官服金緋有子更秀異
人生貴多福翁福徐以脩多翁善持盈孜孜修道義
鮮巾漉清醕祝翁期久視四座發歌鐘雜沓賓朋至
勝會不可虛耆英雅宜嗣

欽松壽蔣大夫

物壽莫若松欽松更稱壽風來清作聲雨過翠成溜
間看欽漉巾醉撫便吟袖偃蹇歷益堅歲寒色逾秀
高標拂烟霞直氣動星斗大夫封德隨君子茂

何時浴清陰一洗曾中醜

陟臺

爲宋侯作

嗟嗟怙恃恩劬勞寔生我童孩忽見背我生何坎珂
瞻彼尋丈臺千古號風火松楸鬱新阡卜兆臺之左
墓木久已拱體魄亦安妥夢寐及羨塋欲見終不果
殷勤陟臺顛瞻望庶幾可臺高風木號雲飛亂成朶
舉目不見見親觸物淚空墮

古逸

陳翁善種德厥號稱古怡殷勤奉王音古逸尤絕
奇轉換一字間衆善應無遺何以謂之古淳朴元不
移何以謂之逸優游樂天彝快哉無懷民帝則順不

遠靖節與康節二老真吾師生子貴且賢 封章
恩獨推華堂揭 天詔照耀光陸離願翁長健在詩
酒陶雍熙

壽杜玉池六十

遥遥杏花塢隱隱歌鐘聲入門見衆客濁酒交相傾
偶逢長生宴二美主客并詩歌滿四壁盈耳鏗韶英
主人挾神術何用卜長生醉來成短律聊以旌吾誠
壽侯明府八十

行行練川道聚飲同年家中有一老人上壽良足誇
自言宰郡邑政聲流聲華歸來守窮約南山弄烟霞
一員寄厥志景况晚更佳安北山不搖貞如玉無瑕

維懷古君子室邈人不遐吾當陪杖屨自幸逢生麻
年年當九月來醉籬腳花

病中苦熱三首

酷暑人人畏難堪在老年吸漿長是渴揮汗不成眠
晚浴真遊釜晨炊遠避烟何如赤松子散髮濯清泉
酷暑人人苦難堪是病餘天威加桎梏人道謝襟裾
汗浹頻揮扇神昏久廢書何如陶靖節高臥北窗虛
酷暑人人避難堪獨老夫煩心懸赤日病骨在紅爐
岸勢田俱裂河流井共枯何如鴨欄子拂塵倒水壺

改亭續稿卷之五

崑山方鳳著

玄孫士驤上服父重較輯

寄錢桐溪

同年

清時間卻老尚書公輔才猷若水居勲業兩都難並
駕江湖蒲地獨懸車花前壺榼春盃暖松下碁枰月
檻虛媿我無成徒健美白頭空守舊茅廬

夏松泉巡撫平海盜

梁公雅稱旬宣寄范老能兼將相才海上風波驚復
定江南天日喜重開潮回戰艦收旗幟雨過耕犁遍
草萊我亦山林沾惠者詩成中夜望三台

感時

老景其如惡况何滔天巨浸急催科枯槁遍野閑人
少鞭朴盈庭新鬼多忠靖舊規誰整頓文襄遺澤盡
消磨慙予無用醫民瘼漫把愁懷付短歌

病起

易來難去病魔纏一去令人頓爽然上下無時號游
火呻吟盡日苦炎天緣知禍福皆由我始信精神不
及前從此甘心事安養蒲團打坐學枯禪

哭矯翁

六十餘年好弟兄悠然長逝若爲情元方道誼三吳
重大宋文章四海名閉戶藏脩安壽考埋頭著述盡
平生可憐獨對儀床影風雨時催老淚傾

挽顧未齋

六友論交五十年鄉評藉藉至今傳
三朝相業推君獨千里緘辭慰我專
儀像定追麟閣畫文章應賜石渠鐫
薰風滿路迎歸櫬落月空梁思慘然

哭東虞

獨憐吾姪忽長遊轉眼風光又一周
地下可能從父母人間依舊有歌謳
孤兒最苦公私擾痴叔空餘涕淚流
因念高情頻入夢覺來零雨冷颼颼

寄挽余竹城方伯

同年心事兩通知低首輸君是我師
直氣獨稱真御史壯懷誰識好男兒
歸鴉古寺燈前酒立馬長亭雪

後許聞說賢郎能繼武慙慙千里慰遐思

吳江秋泛偕張石川聽琴

涼入村墟客漫留
畫船簫鼓爲君遊
巨鱗觸網迎張翰
高節鐫詩惱貫休
酒量每因新曲長
琴聲都付大江流
明朝又有東林約
自笑奔忙過一秋

自壽

自慙虛度六十八
筭到古稀剛二年
間處了些詩酒債
老來望邵子孫賢
耆英會數饒歌笑
梅竹居深稱醉眠
更喜登臨筋力健
一擔風月壓吟肩

秋日登山和西洲韻

一年能得幾看山
趁此秋晴日日閒
高閣香沉人散

去古松陰合鳥飛還殘碁心苦遙聞磬老衲容枯獨
掩關遊癖向來元不減任他雙鬢自垂斑

壽朱玉峯先生

秀毓睢陽岳降神榮膺百福自天申堂堂士論推示
老籍籍鄉評重德人洛下耆英高並駕吳中山水久
藏珍遐齡獨爲蒼生祝坐鎮澆風日化淳

杜次谷雪夜遇戎以詩見示答之

老年罹禍尚吟詩真見先生有執持手盞不堪新泛
蟻腰鈎無復舊躊躇

二物皆爲盜去

甘貧杜甫書空夜乘

輿王猷訪雪時要識楚弓非得失莫教愁鬢暗添絲

閒居二首

自入春來日日閒柴門無客喜長閑枕書穩卧依高
樹呼酒清吟對小山葉暗新枝花盡落泥添故壘燕
初還從今識得偷生術不放愁催兩鬢斑

纔送春歸又麥秋無端終日醉翫遊貪看山色舒青
眼怕見花枝咲白頭抱甕陶潛三徑菊推蓬范蠡五
湖舟時人莫訝予偷情事到衰年自合休

玄墓看梅

兩岸野山初霽後幾村梅夢欲舒時倦添筋力還憑
酒閒美風情只費詩新月半籠光掩映短牆斜壓影
參差可憐驛使無良便不得慙慙寄所思

和鄭文峯秋興八首

蕭蕭落葉淨疎林西望群峯萬笏森老去典衣償酒
債閑來携榻傍花陰龐公隴畝年年事竇氏書香日
日心恠底愁懷禁不住月明村塢幾家砧

獨坐江村水檻斜一簾秋月倍光華凝眸未肯驅遊
癖老健還堪理釣槎農事漸登聞隴笛王師遙憶走
胡笳高人博笑談心曲醇酒澆愁醉眼花

渺渺秋波浸落暉臨溪礧礧受涼微雲歸矮屋依簷
宿鴈帶新霜隔隴飛介子孤標人共棄潛夫高操世
相違獨憐山月停盃久更喜江魚入饌肥

新涼池館理殘碁賦罷翻成宋玉悲白屋文章虛壯
志青雲事業負明時冥鴻得意回翔早仗馬無能被

片遲十載江湖成穩夢 九天宮闕動遐思

睡起無聊對碧山 恍然身在白雲間 孤松自撫閒心
適好鳥相求樂意開 剩有殘經遺後胤 苦無良策駐
頽頽愁中忽訝驚人句 直占曹劉第一班

新霜冉冉忽盈頭 虛度人間七十秋 病憶交遊勞遠
夢 老耽詩酒惹閒愁 孤懷敢比雲端鶴 浪跡真同水
上鷗 最喜使君容納履 一番清話識荊州

學書學劍兩無功 到老終歸醉夢中 耽隱每慙高士
傳 藏脩空慕古人風 巾中短髮霜欺白 鏡裏衰顏酒
借紅 月色滿庭眠不得 狂歌時復惱鄰翁

百里擎舟去路遙 一篙秋水滿西陂 江鄉獨我真深

梗雲路何人似折枝白鳥遠隨寒浪沒紫烟疑載晚
山移懷人不見空惆悵高樹風生玉露垂

自壽

七十年来福履優每慙非分近天休半生田野莊椿
老滿眼兒孫寶桂秋道德初心真自負安閒晚景復
何求一尊且對黃花醉舊日交游幾白頭

壽龔西野太守

高名直與玉山齊拂袖歸來綠野西北闕沾恩懸
日月南州引領望雲霓松筠有主團清蔭猿鶴多情
戀碧溪從此逍遙躋上壽年年佳宴坐分題

自訟

虛度光陰七十年古稀爭似古人賢身垂道德心終負學欠工夫過未湔垂首窮廬今已矣噬臍末路亦徒然區區餘勇還堪賣只恐駑駘在着鞭

壽李成齋

快雪初晴壽域開新詩濁酒爲君來蘇湖久被胡公化藩國元推賈傅才一片心田勤種德百年身計拙生財醉時共把茱萸嗅多是淵明手自栽

雨後未齋園看梅有感

昔年曾此醉清歌今日歌聲感慨多世事傷懷空對酒梅花着雨欲辭柯一時唱和留顏壁千載風流逐逝波老我微軀猶健在循簷高興未消磨

中秋卧病

去年寒疾誤中秋今日中秋捧藥甌
病到衰齡容易得時逢佳節若爲
圓歌聲隔水喧華屋月色冲簾照
白頭自引一盃聊復爾嫦娥應笑
老風流

賀東泉得子次朱翁韻

晨光冉冉正熹微還挹長庚夢裏
輝袍送此時來孔釋騰騰他日比
雲機即看繞屋香成陣便擬收書
堵作園聞說大開湯餅宴一瓢春
酒醉雄飛

新得張氏園賞梅

西山曾記探芳姿此日名園得自
私幾樹寒香堪索笑一林清雪以
催詩悠悠正當人愁處幾幾輕盈
正當人愁處幾幾輕盈正當人愁處

醉時莫訝白頭貪勝賞老來遊癖苦難醫

賞燈

人生難遇兩元宵幾夜觀燈醉眼驕歡笑一堂開火
市輝煌萬點駕星橋珠光掩映搖紅蠟盡影玲瓏出
絳綃恠我衰遲能久坐數年還乞老天饒

漢文閏正月生辰

難得懸弧逢閏月偶當開宴正晴天一春樂事看山
屐百畝生涯負郭田未老辭官惟舊業及時教子有
遺編從今花甲應輪數長見新正再閏年

輓姜時川同年

稀齡甫及竟遊仙懷我衰軀已孑然骨肉論交嫌異

姓科名出仕忝同年
乾坤生計留書篋
山水風情剩畫船
再拜儀床揮老淚
夕陽門巷鎖寒烟

新得張氏園

十畝芳園依古刹
四時好景供衰年
高峯特立雲氣繞
活水迴抱天光連
入簾香雪訝梅落
遮戶綠陰驚柳眠
獨樂平生非我忘
時有詩人載酒船

王求溪過訪惠詩次韻答之

花滿南村雨乍收
門前忽繫故人舟
重來最喜顏如舊
一別俄驚歲復周
往事傷心增感慨
新腔盈耳屬歌謳
殷勤笑我留青眼
矍鑠輸君尚黑頭

后坡第賞牡丹二首

暖雲深處挹紅芳勾惹閒身幾度忙只爲主人誇富
貴不隨凡卉闌馨香輕澆濁酒添春睡斜倚東風怯
曉粧謾撥箏琶須盡醉老來還學少年狂

天然標格壓群芳宴賞平添一倍忙未許桃梅誇艷
色可堪蜂蝶竊餘香臙脂枉費時人盡雨露偏滋宮
樣粧醉後定拚花下睡東君應笑次公狂

舟中賞紫藤花

萬朵玲瓏解惜春柔條臨水似垂紳花開正傍二三
月舟泛剛容五六人蹴刺衝波魚自樂翩翻拂席鳥
應馴呼童採卻盈筐蔬薦酒還堪賞紫尊

賞紫藤花

白白紅紅相鬪妍不妨呼作旱蓮蓮月明種子中秋
後風暖撩人立夏前肉陣金釵應百二護雲葉粉定
三千諸公勝賞休辭醉欲挹芳姿又明年

鄒前山西席思歸有詩用韻留之

冉冉薰風吹葛衣小園過雨夜涼微高吟碧海生新
月獨坐青山映落暉石砌花殘春去久柴門草長客
來稀幽亭詩酒陪清話賓主情投未許歸

送嘉定馬尹爲沈秀才作

君侯自是人中英高科掇拾馳芳名花封分篆沛仁
澤一瞻春意涵蒼生孝肅才華清獻守三年小試牛
刀手遂良經慙乘至公路碑藉藉鑄群口名騰薦剡

將朝 天 帝心簡在膺超遷據忠報國勤獻替高
風直氣岷峨顛可憐赤子嗟無告滿路攀號扶老羣
數中感泣誰最多沈郎恩重難報手持畫圖來索
詩殷勤心事誰儂知詩成相對生感慨雲山極目增
遐思

壽呂後齋八十

玉峯之山高插天玄宮梵宇來群仙晏江之水清且
漣盤紆百里浮雲烟中有老人洞府清真言獨得仙
方傳曾聽鹿鳴歌才思長河懸日月恩波廣德化施
滿鞭高官任人做我保名節金龜重挂人字我教兒
孫賢歸來深住百柳川玉山在後晏江前恭一局史

一編倦來呼酒醉復眠太平優游不知老直與玉山
婁水同綿延

苦熱歌

人皆苦炎熱而我獨無苦問之何云然貧富本非伍
締綰生涼紈扇風槐蔭重重集庭戶苦茗初嘗更蔗
漿爽若清晨不知午一日扁舟偶入城肩輿冲暑入
公府綉服纏身帶束腰赤日烘人天尺五今朝識炎
威昨日居樂土方知貧困人日日坐焦釜但願薰風
滿舜絃次散呻吟盡歌舞

仰山歌

朱君持短卷來索仰山詩問君仰山何所取欲言不

言先涕洟徐云先人半山號因橋取義理或宜自從
捐養二十載羹牆在念無從追朝夕仰德此心何所
發發之名號聊以旌吾私爰乞教章引群玉傳之世
世可比商鼎同周彝嗟嗟朱君孝念良可慨羨我浩
歎攀栢悲至今橋南山在北舉目見之興懷思思親
不見覩二物此山此橋終不移嗟嗟朱君立身顯親
當盛時出佐京邑名四馳先公地下應含笑種德還
自睢陽遺况有達尊玉峯老造就人物如爐錘君歸
求之有餘師孝名直與山同垂

壽梁野雲歌

君不見老杜作詩到底窮聲名上遠來元戎又不見

先生詩集集五卷。先生名不虛傳。一里大夫窮達不關
樂與詩。詩雖雲化。應道亦有時。時若遇鴻毛。趁風留
不住。時若遇石。石中寶劍。應塵埃。嗟嗟梁翁飽文學。李
白方名人。沈沈沈沈沈。沈沈沈沈沈。人不知。扶老携幼尋庸醫。
詩。沈沈沈沈沈。人不識。王輔牙。鐵寫官職。囊中羞澁不能
滿。首錢。開口大笑登稀年。自言平生好遊宴。名山勝
水。處處都遊遍。也曾跨瀟湘。望九疑。也曾探禹穴。登
武夷。也曾棹西湖。看六橋。三竺拂雲宮。闕也曾泛太
湖。玩七十二峯。柳花月也曾戴儒冠。施絲帳。坐臯皮
也。曾侍王侯歌。窮窳。醉淋漓。被舞年來。飽漸覺離鄉
賤。歸來減省舊風騷。收藥肆。飲詩豪。書屋三間酒一

歌從教鳥兔手中掉六丁六甲隨時調衰顏自此還
童少老夫時陪杖屨坐春風江湖滿地兩漁翁

時川園同野雲看梅不遇二首

小園紅紫闌芳菲深掩重門客到稀咲我看梅如看
竹也應不待主人歸

梅花數點逐風飛一夜苔痕帶雨肥此去不須留姓
字主人元識謝元暉

喜間

片時靜坐丹田暖終夜安眠白晝閒只有些兒忙未
已愛極詩成眼看山

卷三 詩 意 斜山次時川韻二首

月明山影落平湖一箇漁船酒一壺聞說諸公結詩社可能容得野人無

置身常在白雲間萬頃湖光四面山說着湖山殊有意幾人曾此一偷閑

村居閒事二十首

紅入疎櫺日影層紙窓閒看觸飛蠅由他簷鵲頻相喚老懶于今似老僧

右曉眠

近午天晴風色和怕寒其奈老年何蒲團愛向簷前坐日與長安遠不多

右午曝

亭亭殘日下西村幾樹歸鴉靜掩門卻笑陶潛偏愛酉閒青一片對青尊

右稅酌

磨起無聊只讀書讀來無用愧何如而今但好消長
日惹得傍人笑蠹魚

右讀書

詩中情景浩無邊盡出鳶魚性裏天
七字吟成天趣發朗然歌向晚風前

右吟詩

薰風葉底勾蟬咽落日稍頭借鳥
淒爲此傳來方法好旋添新水旋添泥

右種樹

一瓶新水早呼童灌得花開滿
眼紅花好人衰殊不稱只將春色付遊蜂

右灌花

雨過蚊蠅點竹斑呼兒旋洗亦清閒
詩成踈節宜深刻莫遣高人醉後刪

右洗竹

小山兩座傍花低三徑相通草色
齊幾夜月明看不

厭也翻寒影落清溪

右看山

龍團一撮煮馨香頃刻風波沸小鑪不學盧生厭七
碗磁缸只勾潤詩腸

右煮茶

玉爐清晝焚沉檀風細疎簾紫篆蟠坐到靜時塵慮
息直教神氣入泥丸

右燒香

看盡人言養性靈卻教老眼飽丹青一灣活水園深
塢萬個脩篁護小亭

右掛畫

烹葵每向春前軟剪韭長乘雨後肥笑我灌畦如老
圃卻將閒地種薔薇

右灌畦

高樹亭亭蔭露臺日斜風靜絕纖埃携將枕簟客閒
臥還憶先人手自栽

右樹蔭

剪剪幽香何處來
滿園紅紫一時開
明朝只恐東風妬
又見殘花襯綠苔

右花香

團團銀鏡忽中天
雲歛風輕夜爽然
小試薄羅閒坐久
滿庭花影露娟娟

右月夜

村落行來竹樹深
家家青蔭欲成林
分明盡出柴桑景
誰似淵明有素心

右村行

渺渺吳淞百里遙
鴈汀鷗渚屬漁樵
畫船簫鼓尋常樂
網罟層層趁晚潮

右江行

歌曲出來貴有傳
南腔北調兩茫然
也知老景無多日
只爲無多學少年

右聽歌

長笑奔忙損舊顏
不如閒坐片時間
也須養得天君

定若是心忙坐也閒

右閒坐

讀雜書得三十五首

至言讀盡理分明千載令人慕賈生直把亡秦喻時事爲君何重爲身輕

右讀賈山至言

賓戲看來頗不倫卻將班固擬儀秦當時世態高功利誰識商岩版築人

右讀登賓戲

病駒跛釋有通時一廢終窮抑士師廊廟有人公道在古來衡鑑不容私

右讀起廢谷

宰相由來不信謠謠人焉得口三緘韓公自信能無懼佛骨先陳疏一函

右讀釋言

出處心時戲可規次山師道有餘輝讀來事事箴吾

過高揭書齋當佩章

右讀五規

鵲鷦止妬事何如士妬盈朝不可除儘使虞人費筋力禁中空念放生書

右讀止妬

古人何事說交難及面相成見面歡獨有雷陳心不變肯令膠漆舊盟寒

右讀交難

鬼神只在有無間聚散分明在眼前伯有當時喜爲厲公孫立後即安然

右讀原鬼

人生有過貴能改不改方爲小丈夫介甫當年能自悔宋家知有播遷無

右讀原過

細評恠說竟如何獨恠人間老釋多中國盡歸夷狄化卻將小鬼認妖魔

右讀恠說

真蘭爭似假蘭芳恍若儉人效色莊從此盜名人不
識周公孔子滿岩廊

右讀假蘭說

周武亡殷兵器銷冶工垂泣紫蕭條不知四海歸農
事耒耜盈田利自饒

右讀冶子言

老懶由來只灌畦耘夫何故事栖栖人生貴在行吾
志廊廟山林本不齊

右讀抱灌錄

古來何事稱三教釋老終爲儒道羞借問當今持國
者用夷變夏可曾憂

右讀儒辱

復性三篇義頗深卻教初學苦難尋伊川爲道傳心
法只向芸窓讀四箴

右讀復性書

爲夫置妾作夫仇跛眇盈前固寵謀贏得夫君稱德

婦不知曾次有戈矛

右讀固寵篇

甘鼠甘言無二種入人骨髓尚茫然須臾釀就滔天
禍父子君臣不保全

右讀甘鼠

形聲既滅鬼何愁一見岑峯得所後多病所須惟藥
物沉痾從此獲全瘳

右讀愁鬼言

先生何事隱蘿山見道分明與世閑做就雜言不
雜至今芳譽滿人間

右讀蘿山襟言

元時文獻重姚歐得謚爲文世所褒若把荆公比朱
子公評卻爲考亭羞

右讀文評

固知窮達皆由命君子安然只自脩人主不須悲管
輅但從岩穴下旌求

右讀辨命論

朱穆昌言論絕交五交三疊理昭昭先施兩字誰能
盡管鮑遺風久寂寥

右讀廣絕交

管晏人才果孰賢一奢一儉已昭然若教平仲當桓
世功與夷吾共比肩

右讀二賢論

爲國先資將畧奇將無謀畧國難支漢家多賴張良
計猶恨當初不盡施

右讀將畧

咬罪當誅亦可哀一時生死不能裁漢家誅跡刑何
慘猶是韓彭舊制來

右讀李陵論

同道稱爲君子朋小人朋是聚蚊蠅人君若不分邪
正國勢傾危到土崩

右讀朋黨論

陳平間計羽疑增疽發彭城亦可矜紂帝江中便歸

去不教遺恨死填膺

右讀范增傳

鉏擊沙中中副車卻收圯上老人書從容納履無難
色俄頃能將客氣除

右讀留侯傳

似有如無是鬼情無形聲處有形聲坡翁卻立全無
論減卻人間孝子誠

右讀無鬼

荀卿學術本多疵獨怪承傳有李斯千載尚爲吾道
賊豈惟性惡一言私

右讀荀子

漢文德化古來誇賈誼當時痛哭差千載明良不相
用可憐懷寶赴長沙

右讀賈生策

大器由來不可名春華秋落總生成若將能事誇人
口只比瓶盂器易盈

右讀法能

宣父嘗言未見剛番憑俗眼目爲狂脂韋軟美居高
位長劍安能借上方

右讀儆俗

吾生太拙拙無倫一笑還看拙拙文莫恠時人忙乞
巧拙多潛壑巧登雲

右讀拙拙論

長見高人說養生屈伸叱納總無憑學仙學聖同歸
道只向心頭理七情

右讀養生篇

改亭續稿卷之六

崑山方鳳著

玄孫士驤上服父重較輯

古樂府

闕隊操

鄭莊公弟段將爲亂公伐之遂寘其母于城
穎曰不及黃泉無相見也旣而悔之穎考叔
與公食舍肉曰小人有母未嘗君之羹公曰
爾有母遺繫我獨無對曰若闕地及泉隊而
相見誰曰不然公從之予謂公有憐心道之
以孝宜無不入若闕隊則誣矣

弟有罪兮母何辜寘母城穎兮呼烏烏人有母我

獨無嘗羹之言兩心符良心既開言自孚焉片闕隊
理則誣

辭昏操

北戎伐鄭鄭太子忽救齊大敗戎師先是齊
侯欲以女妻忽辭曰齊大非耦至是齊又請
之辭曰無事吾尤不敢今奔齊之急而受室
是以師昏也民其謂我何視吳之以力強齊
婚者何如哉

齊大非我耦非耦昏豈宜况復立功總齊師
辭以禮強焉委禽願盈此

辭金操

虞叔有玉虞公求之弗獻既而悔曰周諺有之曰匹夫無罪懷璧其罪吾焉用此以賈禍乃獻之又求其實劍叔曰是無厭也無厭將及我遂伐之語曰貪取禍信哉

既得良玉寶劍是續其欲逐逐謀利不得先取辱何以遠之戒多欲溪壑無厭填不足

謀婦操

祭仲專鄭伯患之使其婿雍計殺之其妻知之謂其母曰父與夫孰親母曰人盡夫也父一而已遂以告其父父殺雍計公曰謀及婦人宜其及也

謀及妻妻心不與齊謀及阿母見愈還是人盡夫語
無稽烈女不更應未知君臣失言將各誰機事不密
禍已隨糾也焉用夫妻爲

宣姜篇

衛莊公爲太子急娶於齊宣姜而美公取之
生壽及朔宣姜與朔搆急公使諸齊使盜待
諸莘將殺之壽告急使行急曰不可壽載其
旌以先盜殺之急至曰我之求也此何罪盜
又殺之

宣姜宣姜衛褒姒搆急以死而反殺其子宣姜本急
生莊公奪其情可憐急也死非命壽也何罪先載旌

先戰旌全官肉一愛一憎同就戮盜也可賞亦可戮
結草詞

魏顆敗秦師獲杜回初魏武子有嬖妾命顆
曰嫁之及疾病則曰爲殉及卒顆嫁之曰從
治命也及戰見老人結草以亢杜回回躡而
獲之夜夢老人曰爾用治命生吾女余是以
報陰德可少乎哉

治命都亂命誣顆也從治命嬖妾得嫁夫得嫁夫再
生恩不可孤老人結草躡猛夫吁嗟陰德不可無善
惡報應如合符

戲御詞

季孫行甫禿晉郤克眇衛良夫跛曹公子手
僂同聘於齊使禿者眇者跛僂者各御其似
蕭同姪子處臺上而笑之客不悅相與語移
日不解齊人曰患自此始矣後果相結伐齊
敗之戲果何益乎

眇能視跛能履禿可戴冠僂可舉賦形自天天所與
御者相似義何取登臺一笑已失禮諸客不悅又相
語同心合力整其旅盤血要盟終不許凡戲無益識
者鄙

夏姬曲

楚莊王欲納夏姬申公巫臣諫而止子反欲

取之巫臣復止之巫臣聘於齊及鄭取夏姬
遂奔晉子反怒請以重幣使晉錮巫臣楚共
王曰止其自謀則過矣其爲先君謀則忠何
勞錮焉人君之度也而巫臣益無所容矣

異哉巫臣狎此夏姬楚莊不能妃子反不能妻賣君
不足還賣友聘齊及鄭挾以隨子反重幣假晉威禁
終身亦何爲共王遠見人不知誰君則忠已則非
嗚呼巫臣吾誰欺

閼蛇行

鄭厲公自櫟侵鄭及大陵獲傅瑕傅瑕曰苟
舍我吾請納君與之盟而全之瑕殺鄭子及

其二子而納厲公初內蛇而外蛇闔於鄭南
門中內蛇死六年而厲公入以傳瑕有貳心
殺之可以戒不忠者

鄭厲獲傳瑕慷慨爲乞身而許納
弑君及二子自謂功無倫可憐內
厲心疑瑕計拙爲臣貳心復何說
似當初死臣節

驪姬詞

晉獻公娶驪姬生奚齊忌

曲沃太子公短壽而獻

與太子太子亦弊姬

子使祭齊姜于

公祭之地地墳

曰賊田太甚

子奔新城自縊又譖二公子曰皆知之重耳

奔蒲奚吾奔屈

晉獻內嬖稱驪姬天助惡孽生奚齊欲易太子計亦
奇進公毒胙公心疑太子既自縊復諛二子謀亦與
奔蒲奔屈公不知君不見漢家雉國命危唐家照國
命移區區殺子何難爲

懷嬴操

晉太子圉質於秦將逃歸謂嬴氏曰與子歸
乎對曰子晉太子而辱於秦子之歸不亦宜
乎寡君使婢子侍巾櫛以固子也從子而歸
棄君命也不敢從亦不敢言勝於雍糾之妻

多矣

夫有情君有命公義私恩本難並不敢從將奉公不敢言私恩全羸乎羸乎女中賢絕勝雍糾妻漏言殺夫見獨偏

申池曲

齊懿公爲公子與邴歾之父爭田弗勝及即位乃掘而刑之而使歾僕納閭職之妻而使職勝乘公遊于申池二人浴歾以朴扶職職怒歾曰人奪汝妻而不怒一扶汝庸何傷職曰與刑其父而弗能病者何如乃謀弑公仇不可不遠也

齊懿公其死一何悲旣死則歎父復生懷職妻二子
抱恨中蓄疑乃使僕乘遊申池嗚呼齊懿公死也真
堪悲貨與色心爲迷僕乘何用仇人爲

衷服行

陳靈公與孔寧儀行父通於夏姬皆衷其相
服以戲于朝洩冶諫曰公卿宣淫而民無效焉
且聞不令君其納之公告二子二子遂殺洩
冶君子曰湯武所必誅

靈公在陳何爲者嬖一夏姬不能舍乃挾二佞戲朝
端衷其相服何苟且公卿宣淫本正言以禦容二賊戮
洩治安得湯武吊伐師鳴鼓聲罪尸諸社

皇華篇

穆叔如晉晉侯享之樂奏肆夏文王皆不拜
歌鹿鳴之三則三拜韓獻子問之對曰肆夏
文王不敢與聞皇皇者華君教使臣者曰必
諮於問臣聞訪善爲咨咨親爲詢咨禮爲度
咨事爲詆咨難爲謀臣獲五善敢不重拜勝
於慶封遠矣

穆叔知禮夏出群重輕報施明毫分肆夏文王敢當
尊皇華之章拜君恩一言君所惠五善臣所敦慶封
使事徒紛紜再歌相鼠若罔聞

宗人獻玉於子罕弗受獻者曰玉人以為寶也故敢獻子罕曰我不貪為寶爾以玉為寶若以與我皆喪寶也不若人有其寶此所謂性善以為寶也

國寶廉不寶爾玉我廉各相保罕也善養心外物不為擾口飛雲兮耳啼鳥

棄疾歌

楚觀起有寵於令尹子南楚人患之王將討子南三泣於棄疾棄疾問之王曰國將討而父子其居乎對曰父戮子居君焉用之洩命重刑臣亦不為王遂殺子南車裂觀起人問

棄疾曰行乎曰吾與殺吾父行將焉入曰臣
王乎曰棄父事仇吾弗忍也遂縊而死人以
爲后之李璿似之

棄疾逢邴邴子南作相身成灰父戮子居已非理棄
父事仇理無垂遭家不造禍已胎事父事君安在哉
擊之李璿同可哀嗚呼較之李璿同可哀

登臺保

齊匡武子娶姜氏美莊公通焉公鞭侍人賈
舉而又近之崔子孺疾公往問之遂從姜賈
舉止衆從者而入閉門甲與公登臺而請
許請盟弗許請自刃於廟弗許公踰牆

中股反墜遂弑之

有臺斯崇兮其木陰陰有牆斯堅兮其高踰尋彼齊之莊兮不知臺牆之深雖欲從姜兮其勢弗禁草草就死兮色迷其心

爲厲行

伯有爲厲或夢伯有曰吾將殺帶與段旣而二子果卒國人益惧子產立公孫洩及良止以撫之乃止子太叔問其故子產曰鬼有所歸乃不爲厲吾爲之歸也趙景子問曰伯有猶能爲鬼乎子產曰能人生始化曰魄旣生魄詛曰魂用物精多則魂魄強是以有精爽

至於神明良霄從政三世其用物弘矣而強死爲鬼不亦宜乎

魄生魂物精多用魂魄死亦存魄生魂伯有厲立公孫及良止鬼物歸有門魄生魂良霄物弘位亦尊魄生魂宜其能鬼成妖氛

伍尚諫

費無極言於楚王曰太子建與伍奢將叛王
執奢使奢揚殺太子未至而使遺之太子奔
宋王問奢揚曰誰告建對曰臣告之無極曰
奢二子才在吳必憂楚合以免其父召之王
從之伍尚謂弟員曰爾適吳我將歸死我能

死爾能報尚歸與蒼髯被殺

無極謔行伍奄不禽揚行權全太子二子在吳憂在此伍尚來歸伍員止尚也能死孝道全員也能報不共天可憐才高命獨邇在楚不遇吳亦然至今痛尚還悲員

夾日飛

楚有雲如赤鳥夾日而飛三日楚子問於周太史太史曰其當王身乎若崇之可移於令尹司馬王曰除腹心之病而寘諸股肱何益不穀有大罪天其夭諸又焉移之遂弗崇

赤雲如鳥夾日飛灾及王身崇之宜王心公惟自責

移疾服眩崇佗益不如自止勤修德王珪一念分自
淪徹樂臧膳皆虛文

高士操

贈時川

出守官歸守操廊廟江湖本同道陸有輿山可居水
有舟村可接時翁時翁擅風流白眼看世人快哉不
伎亦不求

詞

子性嗜山水每遊畢輒記以小詞凡得三十
首其他名園小勝尊俎閑樂者又與焉

上生寺

在真定府定州界

臣時迎

武宗駕調因曰憶帝京正德己卯秋臣按真
定等府適逆濠反

武宗南征幸其地先迎於半途設午膳隨駕者大學士臣梁儲尚書臣王憲都御史臣伍符御史臣孫漳

上旣坐臣符奉酒一時無金臺盤朱寧鴈聲曰再敬那個

上不顧偶有一黃蝶集臣符帽

上笑曰伍都堂增一帽頂遂解之

上登小漁船一老翁守之

上撒網漏水濕

上靴

上命責老翁五下又咲曰此等船誰料我來


釋之網得一魚即命烹進兩大觥晚迎入州
用寡婦樂婦爲戲次日設宴于州

上喜與臣符截闥而飲臣符進膳衣袖沾盤
孟

上親爲挽之次日幸上生寺

上主佛事蕃漢僧羅列諷詠登塔見四壁詩
即命僧錄之

上大書哥矣二字付僧鐫刻持弓射一斑鳩
以其羽分賜各官易銀有差內臣不能勝先
使人逐去鳥雀又明日有山東鎮守太監哭
訴巡按欺侮



原缺

照眼丹青佛像高
軀子難陶日精融
化月華饒神不散
福難消還嫌汶個
琉璃屋無遮蓋易
飄飄不如尼父受
封褒看殿宇逼雲
霄

牛首山

上美子

在南京聚寶門外呂仁卿
楊文遠管清之同遊

高樹護烟深
欹磴攀雲險
遠望長江一
縷纖漁火明
還歛人靜佛
香清僧定禪
閑掩醉後相
携坐竹林
綠衣猶染

獻花岩

牛首相並

巫山一段雲

寶刹高僧住
能令鳥獻花
錦囊曾見佛
留牙千載舊
袈裟竹徑行
呼酒蒲團坐
啜茶詩成策
馬興徧賒
一路數歸鴉

靈谷寺

好事近 在南京朝陽門外有流觴曲水嚴介溪汪雙溪曹曲林景白沙并伯兄矯翁同遊

古寺到應稀松韻磬聲相錯晴日卻携樽酒坐流觴
池閣煩君休說舊遊時世事已非昨歸去馬遲人
倦任烏紗歌落

觀音閣

憶秦娥 在南京北門外二十里枕大江多奇石邵思抑陳魯南易士美景伯時王欽佩同遊

潮初落江心露出觀音閣觀音閣層層惟石是誰開
鑿荻花原上東風惡周郎得計曹瞞錯曹瞞錯尊
前風景可憐非昨

鄒澤山

朝中措 在山東孟子所居奉使魯府因謁孟廟登之

有與遙望嶧山斜中有大賢遺種松杉垂蔭不知
多少年華門牆數仞碑銘四壁煥爛雲霞瞻謁還
登山頂令人仰止無涯

長江

浪淘沙

奉使漕賸經行江中二千里

千古此江流南北從頭滔滔萬里地應浮浪楫雨櫓
多少變獨稱漁舟景物許誰收沙鷗汀鷗見人得
意見人愁間看野山呼酒坐萬慮都休

金山

柳梢青

雪中同唐雲卿

塔影中流鐘聲兩岸信是江山濁浪轟雷輕帆奔馬
間處憑欄多應樂意相閑雪滿地扁舟往還勾輿
詩篇衝寒杯酒春到酡顏

北固山

少年遊

在潤州城北傍大江

大江東岸青山萬疊那得此山奇
平臺百尺高松脩竹清蔭護方池
閒攀石磴金焦入望帆影亂相依
莫笑狂遊再來何日多是數年期

黃鶴樓

海棠春 在武昌府西臨大江南即
賜鵲洲附劉方伯德資五二司先生
同遊聽琴

何年黃鶴臨軒舞便起個畫樓
江許歲歲有人遊勝事傳今古
謫仙學識遠誇題賦更有何人步武舉
酒對梅花且把焦桐撫

釣臺

玉照環 在浙桐江縣壁間一詩譏
先生出於行道

高風萬古尋芳客
星指揭錦袍爭似掛羊裘只管

自家清潔 臨水崇臺奇絕儘容完節有人經此拜
荒祠還說道先生拙

西湖

阮郎歸
遇雨

曹幽林夏懷軒范玉可同遊

青青楊子雨霏霏高林聞鳥啼經過平塢又長堤六
橋芳草齊 千樹暗萬峯奇樓船相並移遊人偏被
暖風迷夜深猶未歸

惠山

賀聖朝

成雲從顧松岩同遊

惠山自古東南勝曲曲松筠三徑寒泉分脉噴珠飛
何處一聲清磬 高林幽鳥鳴聲上下帶泉聲相應
偏宜壺榼且歌且飲閒消遊興

寶帶橋

桃源憶故人

吳詡庵周鶴村姜時
川申後河蔣舜洛丁南湖載道赴夏

巡撫松泉公席因同遊

垂虹臨水默舒卷風激波聲如喘萬頃太湖流轉灌
漑功非淺曾聞化作龍飛展驚動三吳雞犬今夜
水亭雲捲坐看水輪轉

張公洞

望仙門
同遊

伯兄及吳訥齋願山兄弟

洞中奇石簇如雲臥還跡千年古樹露虬根皺龍紋
到底難窮詰多應鬼造神屯放歌豪飲到黃昏到黃
昏愁殺出無門

虞山

清平樂

鶴村碧崖南湖同遊

吳山多少盡說虞山好竹塢松岩青不了四面湖光
圍繞畫臺遺跡茫然還尋拂水風前眼底興衰休

論高情都付啼鵲

尚湖

謁金門

前客同遊遇風雪

風驟處吹散一天飛絮閒弄扁舟隨浪去片帆留不住
掩映虞山竹樹此景新竒難遇寒氣逼人無可禦
玉壺消一注

鄧尉山

醜奴兒令

元儒讀書山中同季子舟見子築假榻僧寺

千尋結就芙蓉朵烟壑雲峯碧殿瑤宮翠竹蒼梧映
古松湖光萬頃開圖畫付與衰翁雅稱踈慵只許
詩人名姓通

虎山橋

訴衷情

次日寺僧同遊

太湖西曲虎山橋剛占兩山腰湖船小如梭擲多是

載魚苗 花影細錦絃調酒盈歡分開眼界打豁曾
襟一樂陶陶

太湖

醉花間

季五山及兒子築同遊借一
小舟

聞湖好愛湖好權借漁船小搖過野山邊還訝梅花
早 把酒折梅枝開襟眠細草殘日喚人歸恍似遊
蓬島

大石

點絳脣

同太常兄梁有松乳伯載道
遊

奇石平腴女媧精練都成片玉臺瑤殿俯瞰光搖眩
石徑仄欹危步寒成戰酒盃堪薦坐定春生面


天池

春光好

同前客宿寺中

天氣好正清明行傍池邊石磴橫聽經聲 携卻閒

原缺



隨君逢無事便携筇莫待滿頭飛雪嘆龍鍾

吳淞江

漁歌子

顧未齋張石川同遊得大魚

脫江潮平兩岸高人蕩槳擡眼看酒堪沽魚可貫偏
稱野王張翰 鴈聲孤鴉影亂忽聞前渡歸人喚水
長流人自換對景一聲長嘆

野逸爲張封君作

調謝池春

聖世間人多少雅情高趣小園林此身堪住甘泉雙
井灌名花嘉樹這幽懷更無幽處 功名富貴盡逐
浮雲去曉窓明遺經獨註經綸勲業付佳兒陶鑄看
恩封五花褒獎

壽周羽士

調畫堂春

秋風吹髮送新涼竹堂仙侶徜徉洞天深處倒霞觴
醉舞霓裳 卅竈火分龍虎玉函經諷琳瑯碧霄騎
鶴任翱翔壽域綿長

壽王翁六十

調畫堂春

閒身元自傲王侯太平終日優游問君添得許多籌
甲子方周 花塢塢中小轎石湖湖上扁舟儘教難
老萬春秋說甚浮丘

江村六適

清江引

江村一適長自誇鎮日多閒暇輕舫太湖邊小轎吳
山下興來時月兒高傳玉笋

江村二適長自誇穩臥無驚怕倚檻對花吟掃雪供

茶話到如今做冥鴻思使馬

江村三適長自誇風景真堪盡
栖柵滿雞豚隴畝供禾稼
夜燈前對清尊拚醉也

江村四適長自誇客氣俱融化
歌舞任癡狂爵祿無牽掛
湏知道一身餘都是假

江村五適長自誇不逆人疑詐
俗累盡開除舊怨都勾罷
總不如假粧聾佯做啞

江村六適長自誇玉樹元無價
經史伴長年樽俎陪清話
晚景來這家風真個雅

障語

耆民送縣尹

伏以陟明有典昭大舜取善之誠立賢無方表成湯
執中之德必名實之相副斯薦揚之攸歸恭惟

君侯德器寬宏性資淳朴登名黃甲擅芳譽於一時
分篆花封播仁恩於百里因民利而利再興儒禪之
謠以民心爲心咸戴旉幟之惠守已惟甘於嚙蘗臨
政寔同於履水卹孤則歲歉儲糧寒有衣而飢有食
聽訟則夜深秉燭近者悅而遠者來待學校雅得其
情絃歌夜月接士夫恭而有禮俎豆春風爲徭役之
頻煩則編審必求乎公當謂奸憚之侵擾則懲艾不
爽乎錙銖持已畏四知何慙楊震當官服三事不忝
張堪古之所謂循良今之所謂豪傑也茲者名騰薦

刻已受知於上官檄捧 銓司將超遷於要地攀轅
無計命駕有期排禁苑之雲霞發朝千里沾仙班之
雨露極品三孤揭彩陳詞聊以彰其盛事引觴崇酒
未將展其微忱仰冀 尊慈俯垂鑒亮 詞曰

聖世清平賢科貴重 明良際會風雲看出司縣牧
自責攸存一點仁心敷布民安業雞犬相聞到如今
聲名上達政績超群 酬勲名揚薦剡清才高操眼
底無倫好攄忠獻納報荅 君恩赴此鵬搏時運排
雙翻雁入 天門還應見豐功懋烈照耀乾坤

右調鳳凰臺上憶吹簫

後跋

士人上下數千百載。而連緡帙間。遇
名卿鉅公之制作。靡不欲訂訛補亡。
異表而傳之。以圖不朽。况先世遺文。
忍令不傳。或傳久中。遭蠹軼歟。則茲
存稿續稿之再付剞劂也。小子驤何
敢不勉焉。驤先高祖侍御。改亭公與。

高伯祖太史矯亭公並德靖間寶臣
時號二方先生云子孫或掇名魁或
登進士積學種德後先壽興百六十
年來繩之不絕謂非改亭公猷烈所
遺計公仕

武廟時多所建議迨

世宗朝議禮一疏危言侃論守正不阿

所刊奏議若干卷陽明元美兩先生
並有述至今讀之凜凜有生氣獨是
二稿行世差久散失幾半雖經先子
振先府君訂訛補正不幸畱於年初
志未遂當是時驟尚韶齒值家多難
無論不知書即知亦何能及此迄今
又十有二載矣簡全編更多遺軼乃

經先子較讐者手澤宛在則不啻詠
莪篇而雪涕矣目不憚旁搜凡所載
詩歌叙記傳贊誌銘幸稍脩承先子
志刻而新之或曰子少孤多艱今尚
多予侮業漸零茲疑非急務驥曰作
無益害有益小子弗敢若誦揚前人
之芬豈有辭焉書云曰紹聞衣德言

言所列德之所昭也乃逐一詮次付
諸梓

崇禎甲申中秋五世孫士驤謹跋
孫甥何爾晉敬書